

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

Docet nos suo exemplo , quid faciendum , si aliquando maledictis & calumniis , ab adversariis nostriis impetamur . Certè malum pro malo non est referendum , aut maledictum pro maledicto referre Christianum non est , 1. Pet. 3. v. 9. Interim bonam famam , quæ cum vita pari passu ambulat , exemplo Christi defendere licet , exemplo Davidis , 1. Samuel. 24. v. 10. seqq. Pauli , Act. 24. ver. 10. seqq. si verò innocentiam tuam satis demonstrasti , & nemo est qui attendat , revela Domino viam tuam & spera in eo , ipse faciet , & adducet quasi lumen iustitiam tuam , & judicium tuum sicut meridiem , Ps. 37. v. 5. 6.

2. *Demonstrativa*, v. 5. 6. Pharisei ipsum pro nudo homine aspiciebant , sed ille probat ex miraculo , quod propriâ autoritate & potestate in Paralytico jam perpetuaverat , se esse verum & unigenitum Dei filium , promissum Messiam & Salvatorem mundi , qui authenticè possit remittere peccata , q. d. si potui dicere , surge & ambula , quidni possum etiam dicere : remissa tibi sunt peccata tua . Utrobius eadem requiritur divina virtus & potestas . Habuerunt quidem Prophetæ & Apostoli potestatem remittendi peccata , & multa ediderunt miracula , sed non *διλογοποιῶς* , verùm in Christi nomine , mandato & authoritate . Christus autem remittit peccata , & sanat Paralyticum ex propria authoritate , quâ pollet non tantum ut Deus , sed etiā propter hypostaticam unionem , quâ caro Domini , ut Damascenus loquitur , divinis actionibus locupletata est , ut homo , unde sanguis ejus nos emundare dicitur ab omni peccato , 1. Joh. 1. vers. 7.

Hæc doctrina propter Arianos & hodiernos Photinianos probè notanda est , qui

Deitatem Christi impugnant , insuper etiam consolatione nostra interfervit . Si enim Salvator noster verus Deus est , nihil ipse impossibile , Luc. 1. v. 37.

De Tertio.

R Estat populi depraedatio , quæ describitur

1. *Ratione forme.* Est enim

1. *Religiosa.* Nam vidimus hodie paradoxam , inquit , ut Lucas refert c. 5. v. 26. & timent Deum . Hodie multa videmus paradoxam in Rom. Imperio , & cum civibus Hierosolymitanis merito lamentamur : Nō putassemus hoc nobis eventurum , Thr. 1. v. 9. sed quis timet ? Pergit impius in delictis suis , & nō curat judicia Dei , Ps. 10. v. 5. 6. quid mirum igitur , si perget Deus in exaggeratione penarum ? verbum ejus non mentitur .

2. *Gloriosa.* Nam glorificant Deum , & laudes ejus , quantum possunt , extollunt . Ut nos quoque discamus illorum exemplo beneficia Dei , quæ nobis & proximis nostris quotidie confert , grato animo agnoscere & praedicare . Hoc bonum & pretiosum est , Psal. 92. v. 1.

2. *Ratione materiae* , quia nimis Deus tam potestatem hominibus concesserit . Agnoscent quidem Christum pro magno Propheta , sed divinitatem ejus nondum perspiciunt . Interim hoc fidei initium est , quod Christum non caluniantur ut Pharisei , sed honestè de ipso sentiunt .

Quantò magis nobis convenit Deum glorificare , qui per Dei gratiam ulteriores in fide progressus fecimus . Scimus ex verbo , Christo datam esse omnem potestatem in cælo & in terra , Matt. 28. v. 18. Scimus ipsū omnia scire , omnia videre , omnia posse . Scimus quod ministerium instituerit , & non

M m 2 solūm

Dominica XX. post Trinitatis.

solum Apostolis, sed omnibus fidelibus
et runderem successoribus potestatem dederit
remittendi peccata, Matth. 18. v. 18. Johan.
20. v. 23. exclamemus ergo cum Davide Ps.
103. v. 1. Benedic anima mea Domino, &

omnia quæ intra me sunt, nomini sancto-
jus, qui propitiatur omnibus iniquitatibus
tuis, & sanat omnes infirmitates tuas, ipsi
laus, honor & gloria in seculum,
Amen,

Dominica XX. post Trinitatis.

Evangelium Matth. 22. v. 1. 14.

Legimus Gen. 25. vers. 29. seqq. quod Jacob aliquando coxerit pulmentum, & cum Esau superveniret laesus à venatione, rogabat ipsum, ut sibi concederet comedendum, sed Jacob renuit, nisi vendat sibi jus primogeniturae. Respondebat Esau: En morior, quid mihi proderunt primogenita. Jacob requiritur juramentum, quod præstat Esavus, & vendit ipsi primogenita. Postmodum accepto pane, & lentiis edulio comedit, & bibit, & abiit, parvi pendens quod primogenita vendidisset.

Hoc securitatis & levitatis indicium fuit, quod Esau propter unam escam jus primogeniturae vendidit, Ebr. 12. v. 16. siquidem in V. T. primogenito duas partes hereditatis paternæ, nec non prærogativa in regno & sacerdotio, præ reliquis fratribus debebantur, Gen. 49. v. 3.

Typus est hac in parte omnium eorum, qui temporalia æternis præferunt. Christus lavit nos in sanguine suo, & hoc nobis acquisivit privilegium, ut Reges simus & sacerdotes coram Deo & Patre eius, Apoc. 1. v. 6. participaturi tandem hereditatem vite æternæ, Rom. 8. v. 17. sed multi respouunt hanc gratiam, dum lentiis edulium, id est, voluptates carnales & terrena desideria plus amant, quam verbum & sacramenta, quibus ceu-

mediis ordinariis gratiam suam Christus nobis exhibet & oblignat. Hinc reprobantur à Deo, & qui ratione primogeniturae erant primi, ultimi fiunt, quod testatur etiam prelecta pericope, ubi Deus Pater cœlestis sub imagine Regis παραβολῶν à Christo introducitur, qui filio suo nuptias fecit, & multos invitavit, sed plerique gratiam illam repudiarunt, unde Rex irascitur, & ad viarum compita servos suos emittit, ut quoscumque invenerint, ad nuptias vocent, & congregent bonos & malos.

Per nuptias intelligitur vita æterna. Sponsus Christus est, Rex qui convivium apparat, Pater cœlestis, Præcones verbi sunt invitatores, nos ingratii hospites. Parantur nuptiae, vocantur hospites, expectat Sponsor & Pater, sed ecce renuant ingratii & venire nolunt. Alii quamvis veniant, immundi tamen sunt, & ueste nuptiali carent, ideoque in æternas tenebras præcipitantur.

Videbimus nos

- I. Nuptiarum præparationem.
- II. Hospitum invitationem.
- III. Regis indignationem.

J. J.

EXEGESIS.

INTER omnes nuptias, quæ jam inde ab orbe

